

2/26.5/403



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ
Ո. ՊԵՏՐՈՍՅԱՆ



« 22 » 01 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0 0 2 0 - 2 1

Ձեռնարկողը՝

«Սարգիս և Մարիաննա» ՍՊԸ

ք. Գյումրի, Վարդանանց հր.1

Գործունեությունը՝

Արթուր Ալեքսանյանի անվան հունահռոմեական ըմբշամարտի մանկապարտանեկան մարզադպրոցի կառուցուման շրջակա միջավայրի վրա ազդեցության նախնական գնահատման հայտ

Շիրակի մարզ

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պաշտոնակատար՝



Գ. Գևորգյան

Առդիր՝ 5 թերթ

**Արթուր Ալեքսանյանի անվան հունահռոմեական ըմբշամարտի
մանկապատանեկան մարզադպրոցի կառուցման
շրջակա միջավայրի վրա ազդեցության
նախնական գնահատման հայտ**

Ձեռնարկող՝
Փաստաթղթի տեսակը՝

Գործունեությունը՝
Տեղադրման վայրը՝

«ՍԱՐԳԻՍ ԵՎ ՄԱՐԻԱՆՆԱ» ՍՊԸ

Շրջակա միջավայրի վրա ազդեցության
նախնական գնահատման հայտ

«Գ» կատեգորիա

Շիրակի մարզ, Գյումրի համայնք

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 6-րդ մասի, 7)-րդ կետի ա. ենթակետի՝ Արթուր Ալեքսանյանի անվան հունահռոմեական ըմբշամարտի մանկապատանեկան մարզադպրոցի կառուցումը որպես քաղաքաշինության բնագավառի գործունեություն դասակարգվում է որպես «գ» կատեգորիայի գործունեության տեսակ:

Ներածական մաս Գործունեության նպատակն է Գյումրի քաղաքի Մ. Խորենացու փողոց 50/5, 50/6, 50/7 հասցեներում կառուցել հունահռոմեական ըմբշամարտի ժամակակից մանկապատանեկան մարզադպրոց: Մանկապատանեկան մարզադպրոցի կառուցման նախագծային աշխատանքների համար հիմք է հանդիսացել Գյումրի համայնքի ղեկավարի կողմից 2020 թվականի ապրիլի 9-ին տրված թիվ 62 նախագծման թույլտվությունը (ճարտարապետահատակագծային առաջադրանք/: Հողամասի նպատակային նշանակությունը բնակավայրերի է, իսկ գործառնական նշանակությունը, կամ հողատեսքը՝ հասարակական կառուցապատման: Հողատարածքը բաղկացած է 3 հողակտորից, ընդհանուր մակերեսը կազմում է 9.9595 հա: Տարածքի ռելիեֆի բացարձակ նիշերը տատանվում են 1580,0-1586,0 մետրերի սահմաններում:

Նկարագրական մաս «Արթուր Ալեքսանյանի անվան հունահռոմեական ըմբշամարտի մանկապատանեկան մարզադպրոց» ՀՈԱԿ-ի մարզադպրոցի կառուցման համար նախատեսված հողատարածքը ազատ է կառուցապատումից, գտնվում է բնակելի և հասարակական շենքերի հարևանությամբ: Կառուցապատվող հողամասը հարթ է, քարքարոտ, զուրկ ծառաթփուտային բուսականությունից: Տեղ-տեղ հանդիպող հողային ծածկույթում բուսահողի հզորությունը կազմում է 15-ից 20սմ: Մարզադպրոցի բաղկացած կլինի հետևյալ հիմնական կառուցներից՝ հյուրանոցային և սպորտային մասնաշենքեր, մարզադաշտ և տրիբունա:

Հյուրանոցային մասնաշենքն իրենից ներկայացնում է 3 ամբողջական հարկով և մեկ կիսատ հարկով շինություն, որտեղ կտեղակայվեն ընդհանուր՝ 109 տարբեր մակերեսներով համարներ: Այն կներառի նաև ճաշարան, ժամանցային սրահ /բաղկացած՝ բիլիարդի և սեղանի թենիսի, համակարգչային և սեղանի հանդիս սրահներից/, սրճարան և շոգեբաղնիք: Համահարթեցման նիշից առավելագույն



գործվող, չհասնելով
վայրում ծածկի տակ:
Կահնուկապրոուն, կամ

շինարարական տեխնիկայի կայանում: Տեխնիկական միջոցների վառելիքով լիցքավորումը և յուղումը նախատեսված է իրականացնել շինհրապարակից դուրս՝ լցակայաններում կամ սպասարկման կետերում:

Բետոնախառնուրդի մատակարարումը կիրականացվի մասնագիտացված ընկերության կողմից՝ ավտոբետոնախառնիչով:

Շինարարության ժամանակ ջրամատակարարումը կիրականացվի գոյություն ունեցող ջրատարից: Ջուրն օգտագործվելու է տարածքների ջրցանի, հողի/գրունտի խոնավացման և շինանձնակազմի խմելու կենցաղային նպատակների համար: Ջրցանի ջուրը կմատակարարվի ջրցան մեքենաներով: Ընդամենը ջրօգտագործումը հաշվարկվել է 1752.42 մ³/շին. ժամ: Աշխատողների կենցաղային կեղտաջրերի հեռացման համար շինհրապարակում ժամանակավոր կտեղադրվեն սանհանգույցներ, որոնք շինաշխատանքների ավարտից հետո կապամոնտաժվեն:

Շինարարության ժամանակ շինհրապարակից առաջացող հոսքաջրերը և անձրևաջրերը նախատեսված է ուղղել շին. հրապարակին կից տարածքում տեղադրվող՝ 25մ³ ծավալով պարզարան /տարողություն/, որտեղ մեխանիկական նստեցումից հետո, պարզեցված ջուրը կօգտագործվի տարածքի ջրցանման համար, իսկ նստվածքը կհեռացվի որպես շինադր:

Շինարարական աշխատանքների ընթացքում հիմնական ռիսկերը կապված են հողային ծածկույթին հասցվող վնասի և արտանետումների հետ: Արտանետումները կարող են առաջանալ հիմքերի փորման ընթացքում՝ փոշու արտանետումներով և շինարարական տեխնիկայի շահագործման ժամանակ՝ դիզելային վառելիքի արտանետումներով: Օդային ավազանը աղտոտումից պահպանելու համար կարևորվում են՝ շինարարական աշխատանքների ընթացքում ջրցանի իրականացումը և շինարարական տեխնիկայի և փոխադրամիջոցների տեխնիկական վիճակի կարգաբերումը:

Հողային ռեսուրսների պահպանությանն ուղղված միջոցառումները ներառում են՝

- Շին. աշխատանքների ընթացքում հողերի որակի մոնիթորինգի իրականացումը,

- Շինարարական աշխատանքների ընթացքում առաջացող շինարարական թափոնների պահեստավորումը, կամ շինանյութերի տեղադրումը հատուկ նախատեսված վայրում՝ ծածկի տակ,

- աշխատանքների ավարտից հետո խախտված տարածքների վերականգնումը և առաջացած շինարարական թափոնների և աղբի տեղափոխումը տեղական ինքնակառավարման մարմնի կողմից հատկացված վայր,

- Հողի բերրի շերտի հանումը և նորմերին համապատասխան պահպանումը՝ բացառելով շինարարական աշխատանքների հետևանքով դրա աղտոտումը

- Շինարարական սարքավորումներից նավթանյութերի արտահոսքը կանխարգելելու համար՝ սարքավորումների և մեքենաների պատշաճ տեխնիկական վիճակի ապահովումը:

Շինարարական աշխատանքների ավարտից հետո նախատեսվում է 39560 քմ մակերեսում իրականացնել տարածքի կանաչապատում: Կանաչապատումը նախատեսվում է իրականացնել տարածաշրջանին և տեղի կլիմայական պայմանների բնորոշ ծառաթփային բուսականությամբ: Կանաչապատման համար հայտով նախատեսված են հետևյալ ծառատեսակները՝ փովող գիհի, սյունածև տուրք, գնդածև ակացիա, արծաթափայլ եղևնի, թղկի, բարդի, հուդայածառ: Կանաչապատումը կկատարվի նաև թփերով և ծաղկասածիլներով:



Կանաչ տարածքների, մասնավորապես՝ ծառատեսակների ոռոգման, համար կնխատեսվի կաթիլային ոռոգման համակարգ, իսկ տարածքի ամբողջական ոռոգումը կկազմակերպվի ռետինե խողովակներով: Կանաչապատ տարածքների ոռոգման ջրապահանջը հաշվարկվել է 83076 մ³/տարի, որը կմատակարարվի հատուկ ավտոմեքենաներով՝ պայմանագրային հիմունքներով:

Հայտում նախատեսվել են միջոցառումներ, ուղղված՝ շինարարության ընթացքում առաջացող թափոնների կառավարմանը, աղմուկի և թրթռման մակարդակների նվազեցմանը, արտակարգ իրավիճակների կանխարգելմանը և աշխատողների անվտանգությանը:

Շինարարության ընթացքում նախատեսվում է իրականացնել շրջակա միջավայրի վրա բացասական ազդեցության կանխարգելման/մեղմացմանն ուղղված մշտադիտարկումներ /օդի, հողի աղտոտվածություն, աղմուկ, թրթռում, ծառերի կաչողականություն և այլն/: Բնապահպանական միջոցառումների իրականացման համար նախատեսվել են ծախսեր, որոնք շինարարության ժամանակահատվածի համար կկազմեն 1050 հազ. ՀՀ դրամ: Բոլոր բնապահպանական միջոցառումները ներառված են շինարարության նախահաշվի մեջ և կիրականացվեն շինարարական կազմակերպության կողմից:

Պատճառաբանական մաս նախնական գնահատման և փորձաքննության փուլերում, ՀՀ օրենսդրությամբ սահմանված կարգով, Գյումրի քաղաքում անցկացված հանրային քննարկումներում գործունեության իրականացումը մասնակիցների կողմից արժանացել է հավանության: Հայտի վերաբերյալ փորձաքննական գործընթացում ստացվել են կարծիքներ՝ առողջապահության, արտակարգ իրավիճակների, պաշտպանության նախարարություններից, ինչպես նաև շրջակա միջավայրի նախարարության ստորաբաժանումներից: Ստացված դիտողությունները և առաջարկությունները հաշվի են առնվել Հայտի լրամշակումներում:

Ամփոփելով հայտի բնապահպանական և սոցիալական ազդեցությունների վերլուծությունները՝ կարելի է եզրահանգել, որ նախատեսվող գործունեության իրականացման արդյունքում շրջակա միջավայրի վրա հնարավոր բացասական ազդեցությունները, որոնք առնչվում են շինարարական աշխատանքների հետ, կկրեն ժամանակավոր և տեղայնացված բնույթ և կլինեն թույլատրելի նորմայի սահմաններում: Դրանք կարող են բացառվել կամ մեղմվել գործունեության ընթացքում բնապահպանական միջոցառումների արդյունավետ իրականացմամբ:

Փորձաքննական պահանջներ

1. Մանկապատանեկան մարզադպրոցի կառուցման ընթացքում պահպանել ՀՀ առողջապահության նախարարի 2018 թվականի հոկտեմբերի 27-ի N 25-Ն հրամանով հաստատված «Մանկապատանեկան մարզադպրոցների տեղակայմանը, կառուցվածքին և շահագործմանը ներկայացվող պահանջներ» N 2.1.2.002-18 սանիտարական կանոնների պահանջները:

2. Շինարարության ընթացքում որպես պարտադիր պահանջներ, անհրաժեշտ է՝

- պարսպապատել շինարարական հրապարակը,
- շինությունները ծածկել համապատասխան բարձրությամբ փողով տարածումը կանխող ցանցով,
- շինհրապարակից դուրս եկող մեքենաների անվադողերը լվանալ:



- Բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:

3. Շինարարական աշխատանքների ընթացքում առաջացող տարբեր տեսակի թափոնների և մնացորդային գրունտի հեռացումն ու տեղադրումն անհրաժեշտ է իրականացնել ՀՀ օրենսդրությամբ սահմանված կարգով՝ Գյումրու քաղաքապետարանի հետ համաձայնեցված:

4. Տարածքի կանաչապատման աշխատանքներն իրականացնել Գյումրու քաղաքապետարանի կողմից հաստատված կանաչապատման նախագծի համաձայն, որպես խնամքի պարտադիր միջոցառում ապահովել կանաչ տարածքների ոռոգումը:

5. Շինարարության ընթացքում պահպանել բնապահպանական կառավարման և մոնիթորինգի պլաններում նախատեսված միջոցառումների իրականացումը և ժամանակացույցերը:

ԵԶՐԱՓԱԿԻՉ ՄԱՍ

Արթուր Ալեքսանյանի անվան հունահռոմեական ըմբշամարտի մանկապատանեկան մարզադպրոցի կառուցման շրջակա միջավայրի վրա ազդեցության նախնական գնահատման հայտին տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Գլխավոր մասնագետ



Հ. Մկրտչյան